

## Leev Tante Finchen,



esch emol wat Positives. Wat jövt et schönderes als löschtende Kengerore? Dat konnte m'r em Dezämber he en Hassels senn. Am Denkmol stund' noh 3 Johr endlesch wedder ne jroße, schöne Chresboom. Wat hätt sech noh dem Blamaje-Afjang von de ARGE-Chresboom jedonn? De Jemeendepolitiker die jet zo sare hant, de Kerchevörständ on de Vereensvörständ hant sech opjerrafft, de Hempsmaue opjekrämpelt, on dohte sech öm de Jröschkes för dä Boom kömmere. Op emol hant sojar wedder de Hasselser Börjer metjetrocke, domet et och en de nähste Ziet met dem Boom eso bliev. Ech kann dech nur verzälle, leev Tant', Du moß emol en de Atzventzziet, am Beste wenn de Äst em Boom sech onger dem Schnee bieje, emol noh Huus komme.

Wie deht de Volksmull sare „alles neu mäkt d'r Mai“ oder „neue Bäse dont joht kehre“.

Die Sprüch treffe em Leewe nit op dat Ongernähme Freizietheem zo! De zanglose Pitter vom Schötzeclub hätt mech verrohde, dat de Renoveerungsplanong von d'r Heemstätte von dinn Schötze äwwer jewaltisch us de Fure jerohte es. Noh de ehschde schreftlesche Anköndijong, dat dat Heem en de ehschde 3 Mond diß Johr nit verföschbar es, es enzwesche Fröhjohr jewohde, un et es nix passeht! Em 2. Versöhk – nohjefrocht för onser Schötze fest em Mai – dat wöhd och nix – doh krete jesaht, et jeht erjenswann Mitte diß Johr los. Do jeht enem d'r Appeldriss los. Äwwer et kütt noch bekloppter. Us johd ongerrechtete Kerchequelle wohd verzällt, dat de jroße Saal noh dem Ömbau nit mih voll jenotzt wähd kann. Dat moß m'r sech emol op de Zong zerjonn losse! Leev Tant, dat es för dinn Schötze wie ene Russmess. Ech kann dech nit sare, wat de Hauptmakadresses sech dobei jedacht hant, äwwer wat bes jetz dobei eruuskohm, do hätt m'r nur zwei Wöhd för „Dilettantismos on Korentekackerei“!

Jetz noch e Wöhdche öwwer de Secherheet he en Hassels. De Öwwerjriffe dörch jurendleche Täter hätt so zojenomme, dat de Lütt sech scheue, owens noch op de Stroß zo jonn. Sojar e paar von dinn Schötze send owens von son afjebröhte Bajuffe anjejeffe on

verbimst wohde. Dat moß m' sech bloß emol wegdonn! Polente – Präsenz es dörch de erhävleche Persenalaffbau kohm noch jewährleistet. Dat hant son böwerschte Tinteworm entschiede. So kann et nit wiederjonn! Ech froch mech nur, woför mer all de ganze Stüerjrosche bezahle dont.

So, schloß för hütt, leev Tant, mer send ons wie Du mech jeschreewe häß, zom Schötze fest he en Hassels. Bes dohin mak et jood on bliev jesond.

**Di Hänschen**

